

ЯККА

О бужанде кодошя, киденас пе якка
ан пласноме тахтая, машкар пахоме пися,
лейме ръждаво индулгенця -ертисарипе,
тери ппагерде буюкиендар...
Шундипнаске!

Кондиненас чирикля упрал черхеня.
Ччаденас авгиняле черекя
упрал о фроля е лунане патекаке...
О баш-бужанде кодошя...Грабиненас.

О мачче, сърбиненас дерявни зуми пумаре
масендар анди мули тенжера...
Кайля сине те ворбинен ччибате космикани,
Би-манушиканес е кумариесар...

Пе чекатенде шляпиненас маркес
телал о башалибе - сащиматно музика...
Махиненас ан пе васта ежедйесаря, шариме
тай гълтиненас о шрифти - ккойнале ромбоидя,
триншел ...
Киря, преленде букятар - азалудо!

Анде кафезиенде пенжеренца тели,
ппанден саде е фръкникален, санеппакален...
Тай ачука, ппанле саворен! Склопинде сюрмедес!
А о бут тойняле-ппареяккенгере, палем чамкерен
“кодошипе” - чирикляне ппака лаччарде индииканесте.

